

亥 21

3-1343

圖
經
衍
義
本
草

三



圖經衍義本草卷之五

資五

圖經衍義本草卷之六

資六

圖經衍義本草卷之七

資七



圖書集成本草卷之五

上海涵芬樓影印正統道藏本

圖書集成本草卷之五



圖經衍義本草卷之五

資五

宋通直郎辨驗藥材寇宗奭編撰

宋太醫助教辨驗藥材許洪校正

玉石部下品

伏龍肝

伏龍肝

味辛微溫主婦人崩中吐血止欬逆

止血消癰腫毒氣

圖經曰文具石灰條下

陶隱居云此竈中對釜月下黃土也取擣

篩合葫塗癰甚效以竈有神故號爲伏龍



肝并以遷隱其名爾今人又用廣州鹽城
屑以療漏血瘀血亦是近耳之上兼得火
燒之義也

陳藏器云竈中土及四交道土合末以飲

兒辟夜啼

資頁五

日華子云伏龍肝熱微毒治鼻洪腸風帶
下血崩泄精尿血催生下胞及小兒夜啼
雷公云凡使勿誤用竈下土其伏龍肝是
十年已來竈額內火氣積自結如赤色石
中黃其形貌八稜取得後細研以滑石水



飛過兩遍令乾用熟絹裹却取子時安於
舊額內一伏時重研用

禹錫云按藥性論云伏龍肝單用亦可味
鹹無毒末與醋調塗癰腫

外臺祕要救急治心痛冷熱伏龍肝未煮

水服方寸匕若冷以酒服又方治癰腫伏
龍肝以蒜和作泥塗用布上貼之如乾則
再易

蕭炳云釜月中墨一名釜臍下墨

千金方治風痲者卒不能語口禁手足不



隨而強直伏龍肝五升以水八升和攪取
汁飲之

廣利方治吐血鼻衄不止伏龍肝半升以
新汲水一大升淘取汁和蜜頓服

十全博濟方治子死腹中其母氣欲絕伏

寶五

二

龍肝二錢七以水調下其土當見頭上戴
出

產寶方胞衣不出取竈下土一寸研碎用
好醋調令相得內於臍中續取甘草湯三
四合服之出




衍義曰伏龍肝婦人血露蠶沙一兩炒伏
龍肝半兩阿膠一兩同爲末溫酒調空心
服二三錢以知爲度本條中有東壁土陳
藏器云取其東壁土久乾也今詳之南壁
土亦向陽久乾也何不取蓋東壁常先得

曉日烘炙日者太陽真火故治瘟瘡或曰
何不取午盛之時南壁上而取日初出東
壁土者何也火生之時其氣壯故素問云
少火之氣壯及其當午之時則壯火之氣
衰故不取實用此義或曰何以知日者太

陽真火以水精珠或心凹銅鑑向日射之
以艾承接其光聚處火出

石灰



石灰味辛溫主疽瘍疥瘙熱氣惡瘡癩疾死
肌墮眉殺痔蟲去黑子息肉療髓骨疽一名

惡灰一名希灰生中山川谷

圖經曰石灰生中山川谷今所在近山處皆有之此燒青石爲灰也又名石鍛有兩種風化水化風化者取鍛了石置風中自解此爲有力水化者以水沃之則熱蒸而

資五

三

解力差劣古方多用合百草團末治金瘡殊勝今醫家或以臘月黃牛膽取汁溲和却內膽中掛之當風百日研之更勝草葉者又敗船茹灰刮取用亦同

陶隱居云中山屬代郡今近山生石青白



色作竈燒竟以水沃之即熱蒸而解末矣
性至烈人以度酒飲之則腹痛下痢療金
瘡亦甚良俗名石聖古今多以結塚用捍
水而辟蟲故古塚中水洗諸瘡皆即瘥
唐本注云別錄及今人用療金瘡止血大
效若五月五日採繁蕒葛葉鹿活草槲葉
芍藥地黃藥蒼耳葉青蒿葉合石灰搗爲
團如雞卵暴乾末以療瘡生肌大神驗
日華子云味甘無毒生肌長肉止血并主
白癰瘰癧癰疽等療冷婦人粉刺痔瘻疽



瘡癭贅疣子又治產後陰不能合濃煎汁
熏洗解酒味酸令不壞治酒毒煖水藏倍
勝爐灰又名鍛石

雷公云凡使用醋浸一宿漉出待乾下火
鍛令腥穢氣出用瓶盛密蓋於冷拭上灰

資五

四

令淨用

別本注云燒青石爲灰也有兩種風化水
化風化爲勝

禹錫云謹按蜀本云有毒墮胎。藥性論
云石灰治癰疥蝕惡肉不入湯服止金瘡



血和雞子白敗船茹甚良

抱朴子內篇古大墓中多石灰汁夏月行人有瘡者見墓中清水因自洗浴瘡偶愈於是諸病者聞之悉往洗之轉有飲以治腹內疾者

丹房鏡源云石灰伏硫黃云錫上暈制雄黃制硃砂可用之

聖惠方治蠅蛄咬人用石灰醋和塗之

又方治大腸久積虛冷每因大便脫肛收不能入方炒石灰令熱故帛裏坐其上冷



即易之

外臺秘要元希聲侍郎治卒發癰秘驗方
石灰隨多少秘醋漿水調塗隨手即減
肘後方治產後陰道開不閉石灰一斗熬
之令可燒草以水二斗投灰中適寒溫入

資五

五

水中坐

梅師方治產後陰腫下脫腸出玉門不閉
取石灰一斗熬令黃以水三斗投灰中放
冷澄清取一斗二升煖洗

孫用和方治誤吞金銀或錢在腹內石灰



一杏核大硫黃一阜子大同研爲末酒調下

斗門方治刀斧傷用石灰上包定痛止血立差

崔氏方治血痢十年方石灰三升熬令黃


以水一斗攪令清澄一服一升日三服

衍義曰石灰水調一盞如稠粥揀好糯米粒全者半置灰中半灰外經宿灰中米色變如水精若人手面上有黑壓掌及紋刺先微微以針頭撥動置少許如水精者於



其上經半日許膿汁自出剔去藥不用且
不得著水三二日愈又取新硬石灰一合
以醋炒調如泥於患偏風牽口喎邪人口
唇上不患處一邊塗之立便牽正

礬石



礞石

味辛目大熱生溫熟熱有毒主寒熱鼠

癰蝕瘡死肌風痺腹中堅癖邪氣除熱明目
下氣除膈中熱止消渴益肝氣破積聚癰冷
腹痛去鼻中息肉久服令人筋攣火鍊百日
服一刀圭不鍊服則殺人及百獸一名青分

水貝五

六

石一名立制石一名固羊石一名白礞石一
名太白石一名澤乳一名食鹽生漢中山谷
及少室採無時得火良棘針爲之使惡馬目
毒公驚屎虎掌細辛畏水

圖經曰礞石生漢中山谷及少室今潞州